



partii naleraq

UPA 2016/114-01

15.04.2016

**Ilinniagaqarnersiutit pillugit Inatsisartut inatsisaata allanngortinnera pillugu Inatsisartut inatsisaat nr. xx,xx xx 2016-imeersoq (Ilinniarnep nalaani ernialersuisarnermik atuutsitsilerneq aamma ilinniarnermi taarsigassarsianik akilersuinissamat maleruaqqusanik allanngineq erseqqissaanerlu).**

Ilinniagaqarnersiutit pillugit Inatsisartut inatsisaata allanngortinneqarnissaanut siunnersuut Partii Naleqqamiit imannak oqaaseqarfigissuarput.

Ilinniarnep nalaani taarsigassarsianik tunniussinermit taarsigassarsiat ernialersuisoqartalernissaannik malittarisassanik allannguisoqarnissaa siunnersuutigineqarpoq, tassa maannamat ilinniagaqarnersiutaarunnerup aqaguaniit taarsigassarsiat aatsaat ernialersorneqartarmata.

Aamma siunnersuutigineqarpoq ikiorsiisarneq pillugu malittarisassat allanngortinneqassasut, tassanigooq ilaatigut qulakkeerneqassamat taarsigassarsinermit Kalaallit Nunaannut attuumassuteqarnissaq.

Tassunga tunngatillugu paaserusunnarpoq, ilumut ilinniagaqartut ilaat kalaallit nunatsinnut attuumassuteqarneq imaluunniit attuumassuteqannginneq pissutigalugu ajornartorsiutinik pilersitsisoqartarsimansoq ? ajornartorsiutinillu pilersitsisoqartarsimassappat, tamakku sunik pissuteqarnersut ?

Nalunngilarput ilinniagaqarsimasunik amingaateqartorujussuulluta, taamaattumik nunatta avataani ilinniagaqartut, ilinniakkaminnik naammassinnissimasut nunatsinnut uternissaannut tunngatillugu, taakkua amerlanerpaat nunatsinnut utertarnissaannut kajuminnarnerulersitsinermik iliuseqarnerunissat kaammattuutingaarput.

Nassuiaatini oqaatigineqartut ilagaat, Naalakkersuisut Ilinniartitaanermit periusissiaanni anguniagaasut tassaasut: ilinniagaqartup 26-nik ukioqalertinnani inuussutissarsiutitigut tunngaviumik ilinniakkani, sivikitsumik ingerlaqqiffiusumik ilinniagaqarnini,

inuussutissarsiutigalugu bacheloritut ilinniagaqarnini imaluunniit bacheloritut ilinniagaqarnini naammassisimappagit imaluunniit 28-nik ukioqalertinnani kandidatitut ilinniagaqarnini naammassisimappagu.

Taama Naalackersuisut anguniagaqarnerat Partii Naleqqamiit sakkortuumik apeqquserparput, tassami pissusiviusut tunngavigalugit maannamut bachelorinnngortartut imaluunniit kandidatinnngortartut agguaqatigiisitsinermi ukiui qaffasittorujussooreermata. Aamma ilinniagaqartut inorsittaaginnarlugit piunasaqafigineqaannarsinnaangillat, ilinniarniartut naammassisagaqartartullu tamaasa atorfissaqartippavut.

Aamma oqaatigineqarpoq, ilinniagaqartoq ilinniarnermi akiitsorilersimasami akilersorneqarnissaannut 50 %-inik tapiiffigineqarnissaminut akuerineqarsinnaassasoq.

Taamaattumik siunnersuutip aningaasatigut kingunerisinnaasaasat naatsorsorneqarsimanerat ilumut piviusorsiornerasoq apeqquserneqarsinnaasorinarpoq, tassami taarsiagassarsiat missingsorneqarnerat ukiunut tallimanut tulliuttunut amerlassuseerisinnaasaat aallaavigalugu ukiumut 2.350.000 –kr-inik isertitaaqaataasalernissaat naatsorsuutigineqarmat.

Aamma aningaasartuutaasartut 25%-imik missaanik sipaaruteqarfigineqartalernissaat naatsorsuutigineqarpoq.

Soorunami neriutiginanaqaaq ilimagisat eqquutinneqarnissaat.

Kisianni maannamut naluneqanngereerpoq ajorluinnaraluartumik ilinniagaqartut affaasa missai sinnerlugilluunniit ilinniakkaminnik naammassinngitsoorlutik taamaatitsiinnartartut Naalackersuisuniit oqaatigineqartuarmat.

Taamaattumik apeqqusertariaqarpoq, ilumut siunnersuutip aningaasatigut kingunerisinnaasaasa naatsorsuutigineqartut piviusorsiortuunersut ?

Taama oqaasseqarluta siunnersuutip aappassaanneerineqannginnerani Kulturimut ilinniartitaanermut ilageeqarnermullu ataatsimiititaliami suliarineqarnissaa inassutingaarput.